

**INFORME- PROPOSTA MODIFICACIÓN ORDENANZA FISCAL NÚM. 203,
REGULADORA DO IMPOSTO SOBRE BENS INMOBLES- FAMILIAS
NUMEROSAS.**

PRIMEIRO.- Aos efectos de facilitar a tramitación dos expedientes relativos ao outorgamento de bonificación no imposto sobre bens inmobilares a aqueles suxeitos pasivos no imposto sobre bens inmobles que ostenten a condición de titulares de familia numerosa, no sentido de non ter que renovar anualmente a solicitude de bonificación, senón acorde co prazo vixente establecido no correspondente título de familia numerosa expedido polo órgano competente da administración autonómica ata a súa caducidade, con efectos de 1 de xaneiro de 2023, modifícase o apartado 4) do artigo 5 da Ordenanza Fiscal número 203.

SEGUNDO.- Na nova redacción deste apartado cuarto do artigo 5 da ordenanza fiscal reguladora do imposto sobre bens inmobles non se modificaron os demais requisitos para o outorgamento da bonificación.

Tanto na redacción anterior da ordenanza fiscal coma na resultante da modificación con efectos do exercicio 2023 o inmoble polo que se concede a bonificación ten que ser a vivenda habitual de toda a familia numerosa, constando nas dúas redaccións “*para estes efectos, se considerará vivenda habitual aquela onde se atopen empadroados todos os seus membros*”, sen embargo na redacción efectuada con efectos do exercicio 2023 a diferenza da anterior redacción non consta especificado “*o inmoble para o que se solicita deberá ser a vivenda habitual de toda a familia numerosa*”.

TERCEIRO.- Visto o artigo 74.4 do Real decreto lexislativo 2/2004, do 5 de marzo, polo que se aproba o texto refundido da Lei reguladora da facendas locais, regulador da bonificación no imposto sobre bens inmobles a favor daqueles suxeitos pasivos que ostenten a condición de titulares de familia numerosa, no que se establece que a ordenanza deberá especificar a clase e características dos bens inmobles a que afecte, duración, contía anual e demais aspectos substantivos e formais desta bonificación, así como as condicións de compatibilidade con outros beneficios fiscais.

Aos efectos de clarificar, tal como constaba na redacción anterior da ordenanza fiscal, que o inmoble polo que se solicita a bonificación deberá ser a vivenda habitual de toda a familia numerosa **PROPONSE:**

A MODIFICACIÓN do segundo parágrafo do apartado 4) do artigo 5 da Ordenanza Fiscal número 203 reguladora do imposto sobre bens inmobles que quedaría regulado do seguinte xeito:

“Esta bonificación concederase a petición do interesado exclusivamente para a vivenda que constitúa a residencia habitual de toda a familia numerosa e que

deberá acreditarse na correspondente solicitude. Para estes efectos, se considerará vivienda habitual aquela onde se atopen empadroados todos os seus membros"

Asinado dixitalmente pola Xefa do Servizo de Facenda Local, Isabel Carbonés Bosch, co conforme do Don Ángel Pablo Permuy Villanueva, Concelleiro Delegado de Economía e Recursos Humanos do Excmo. Concello de Lugo, na data que figura á marxe.